

Poruka ambasadora ITO Makota (2021. Avgusta)



Hvala Vam što ste posjetili službenu web stranicu Ambasade Japana.

Pod jakim avgustovskim suncem, vidimo mnogo turista iz Evrope i Bliskog Istoka, koji posjećuju našu Bosnu i Hercegovinu.

Iako se situacija sa korona virusom u regionu malo umirila, i dalje moramo biti izuzetno oprezni zbog mutacija virusa, kao i stepena vakcinacije.

U toku su Olimpijske igre u Tokiju, a sportisti iz različitih zemalja se natječu u brzini, vještinama i snazi. Prošlog mjeseca, prisustvovao sam svečanom ispraćaju sedam sportista iz BiH, poželivši im sreću. Bez obzira na medalje, imam velika očekivanja u pogledu njihovih rezultata i uspjeha.

Također, jedva čekam Paraolimpijske igre krajem mjeseca, te se nadam uspjehu BiH reprezentacije u sjedećoj odbojci i drugim sportovima.

Trenutno ima dosta prilika da se putem medija prate događanja u Tokiju, gradu u kojem sam rođen i odrastao. Nadam se da ćete, po završetku pandemije, biti u mogućnosti posjetiti Tokyo, divan grad u kojem je tradicija lijepo usklađena s modernošću.

1.8.2021.

Ambasador Japana u Bosni i Hercegovini
ITO Makoto